



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԳՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք.Երևան, Շոպրոնի 77

N

9/12/29

< 12 > 08

2023թ.

**Նարեկ Անդրանիկի Կիրակոսյանին
Հասցե՝ ք.Երևան, Ավան 6-րդ փ. 16/1 փուն**

Ուղարկվում է վարչական մարմնի նախաձեռնությամբ ՀՀ ՆԳՆ ոստիկանության պարեկային ծառայության վարչական բոլորքների քննության բաժանմունքում իրականացված վարչական վարույթի արդյունքում թիվ **8180253294** որոշումն անվավեր ճանաչելու մասին որոշման օրինակը, իսկ նյութերը գրությամբ ուղարկվել են ՀՀ ՔԿ Երևան քաղաքի քննչական վարչության ՃՏՀ քննության բաժին՝ քրեական վարույթ նախաձեռնելու հարցը քննարկելու համար:

Առդիր՝ << 4 >> թերթ:

Հարգանքով՝

**Պետի պարտականությունների ժամանակավոր
կատարող, ոստիկանության գնդապետ՝**

Ա. Մաթևոսյան

Կատ. Գ.Կիրակոսյան

Ո Ր Ո Շ ՈՒ Մ

ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 23.05.2023թ. կայացված թիվ **8180253294** որոշումն անվավեր ճանաչելու մասին

12.06.2023թ.

ք.Երևան

ՀՀ ՆԳՆ ոստիկանության պարեկային ծառայության պետի պարտականությունների ժամանակավոր կատարող, ոստիկանության գնդապետ՝ Ա. Մաթևոսյանս, ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 67-րդ հոդվածով, վերանայելով 23.05.2023թ. կայացված թիվ **8180253294** որոշումը,

Պ Ա Ր Զ Ե Ց Ի

2023 թվականի մայիսի 25-ին ՀՀ ՆԳՆ ոստիկանության պարեկային ծառայության վարչական բողոքների քննության բաժանմունքում ստացվել է ՀՀ ՆԳՆ ոստիկանության պարեկային ծառայության Երևան քաղաքի գնդի ՎՎԻ բաժանմունքի պետ, ոստիկանության մայոր՝ Արտյոմ Բաբիկյանի գեկուցագիրն այն մասին, որ Երևան քաղաքի գնդի 1-ին գումարտակի, 1-ին վաշտի կրտսեր պարեկ՝ Վլադիմիր Մկրտչյանը, քաղաքացի Նարեկ Անդրանիկի Կիրակոսյանի նկատմամբ 2023 թվականի մայիսի 23-ին ժամը 05:35-ին կազմել է վարչական իրավախախտման վերաբերյալ արձանագրություն և կայացրել թիվ **8180253294** որոշումը՝ Նարեկ Կիրակոսյանին զրկելով տրանսպորտային միջոցներ վարելու իրավունքից 1 (մեկ) տարի ժամկետով, քանի որ վերջինս նույն օրը ժամը 05:25-ին, Երևան քաղաքի Թամանցիներ փողոցում <<Օպել>> մակնիշի 37 RP 160 հաշվառման համարանիշի տրանսպորտային միջոցը վարել է ոչ սթափ վիճակում (վարորդի մեկ լիտր արտաշնչած օդի մեջ ալկոհոլի պարունակությունը գերազանցում է 0.5 միլիգրամը) և <<Վարչական իրավախախտումների վերաբերյալ>> ՀՀ օրենսգրքի 126-րդ հոդվածի 2-րդ մասի հատկանիշներով կայացրել է որոշում Նարեկ Կիրակոսյանին զրկելով տրանսպորտային միջոցներ վարելու իրավունքից 1 (մեկ) տարի ժամկետով: Որոշման օրինակը քաղաքացի Ն.Կիրակոսյանը ստացել է առձեռն:

Նույն գեկուցագրի համաձայն կայացված որոշումը պարեկային ծառայության արձանագրությունների էլեկտրոնային հարթակ մուտքագրելիս ինքնաշխատ համակարգը ցույց է տվել, որ քաղաքացի Նարեկ Կիրակոսյանի վարելու իրավունքը 22.12.2022թ.-ին կասեցվել է 6 (վեց) ամիս ժամկետով:

Զեկուցագրում նշված հանգամանքները հաստատվել են նաև կից ներկայացված վարչական իրավախախտման վերաբերյալ արձանագրության և զուգակցված թիվ 8180253294 որոշման և ՃՈ էլեկտրոնային ռեգիստրի և վարչական ակտերի համակարգի քաղվածքի պատճենների ուսումնասիրությամբ:

ՀՀ ՆԳՆ ոստիկանության պարեկային ծառայող Վլադիմիր Մկրտչյանի պարզաբանման համաձայն սույն թվականի մայիսի 23-ին Երևան քաղաքի Թամանցիներ փողոցում կանգնեցրել է Նարեկ Անդրանիկի Կիրակոսյանի կողմից վարած <<ՕՊԵԼ>> մակնիշի 37 RP 160 հաշվառման համարանիշի տրանսպորտային միջոցը, որի վարորդը իրեն է ներկայացրել իր վարորդական վկայական, տվյալ պահին դյուրակիր

համակարգչով նույնականացում կատարել չի կարողացել, քանի որ եղել է կապի խնդիր, իսկ սթափության վիճակի ստուգմամբ պարզվել է, որ վարորդը գտնվում է ոչ սթափ վիճակում, ինչի հիման վրա տեղում թղթային տարբերակով կազմել է վարչական իրավախախտման վերաբերյալ արձանագրություն և կայացրել թիվ **8180253294** որոշումը՝ Նարեկ Կիրակոսյանին <<Վարչական իրավախախտումների վերաբերյալ>> ՀՀ օրենսգրքի 126-րդ հոդվածի 2-րդ մասի հատկանիշներով զրկել տրանսպորտային միջոցներ վարելու իրավունքից մեկ տարի ժամկետով:

<<Վարչական իրավախախտումների վերաբերյալ>> ՀՀ օրենսգրքի 128-րդ հոդվածի 7-րդ մասի համաձայն՝ անձը համարվում է տրանսպորտային միջոցներ վարելու իրավունքից զրկված, եթե նա օրենքով սահմանված կարգով զրկվել է տրանսպորտային միջոցներ վարելու իրավունքից, և զրկման ժամկետը չի լրացել, անձը համարվում է տրանսպորտային միջոցներ վարելու իրավունք չունեցող, եթե նա սահմանված կարգով չի ստացել տվյալ կարգի տրանսպորտային միջոց վարելու իրավունքի վարորդական վկայական կամ սահմանված կարգով ստացել է վարորդական վկայական, սակայն օրենքով սահմանված կարգով զրկվել է տրանսպորտային միջոցներ վարելու իրավունքից, և զրկման ժամկետը լրանալուց հետո սահմանված կարգով չի վերականգնել տրանսպորտային միջոցներ վարելու իրավունքը, բացառությամբ ուսումնական վարման դեպքերի, **անձի՝ տրանսպորտային միջոցներ վարելու իրավունքը համարվում է կասեցված, եթե նրա՝ տրանսպորտային միջոցներ վարելու իրավունքն օրենքով սահմանված կարգով կասեցվել է, և կասեցման ժամկետը չի լրացել:**

<<Վարչական իրավախախտումների վերաբերյալ>> ՀՀ օրենսգրքի 9-րդ հոդվածի 2-րդ պարբերությունը սահմանում է, որ սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

ՀՀ քրեական օրենսգրքի 344-րդ հոդվածի 2-րդ մասը քրեական պատասխանատվություն է նախատեսում տրանսպորտային միջոցներ վարելու իրավունքից զրկված կամ տրանսպորտային միջոցներ վարելու իրավունքը կասեցված կամ տրանսպորտային միջոց վարելու իրավունք չունեցող **անձի կողմից հարբած (ոչ սթափ) վիճակում տրանսպորտային միջոցը վարելու համար:**

<<Վարչարարության հիմունքների և վարչական վարույթի մասին>> ՀՀ օրենքի 63-րդ հոդվածի 1-ին մասի <<ա>> կետի համաձայն՝ անվավեր է առ ոչինչ չհանդիսացող այն ոչ իրավաչափ վարչական ակտը, որն ընդունվել է օրենքի խախտմամբ, այդ թվում՝ օրենքի սխալ կիրառման կամ սխալ մեկնաբանման հետևանքով:

Նույն օրենքի 77-րդ հոդվածի 1-ին մասի <<ա>> կետը սահմանում է, որ 63-րդ հոդվածով սահմանված հիմքերը վարչական ակտի փոփոխման կամ բեկանման հիմքեր են:

<<Վարչարարության հիմունքների և վարչական վարույթի մասին>> ՀՀ օրենքի 67-րդ հոդվածի համաձայն՝ վարչական մարմնի ընդունած վարչական ակտի վերաբերյալ բողոքի բացակայության դեպքում այդպիսի ակտ ընդունած վարչական մարմնի վերադաս վարչական մարմինը (պաշտոնատար անձը), վերահսկողության կարգով և իր

նախաձեռնությամբ, իրավունք ունի վերանայել ստորադաս վարչական մարմնի ընդունած վարչական ակտը:

Տվյալ պարագայում ՀՀ ՆԳՆ ոստիկանության պարեկային ծառայության Երևան քաղաքի գնդի 1-ին գումարտակի 1-ին վաշտի կրտսեր պարեկ Վլադիմիր Մկրտչյանը 23.05.2023թ.-ի թիվ **8180253294** որոշումն ընդունել է օրենքի սխալ կիրառմամբ, այսինքն՝ ընդունել է ոչ իրավաչափ վարչական ակտ, քանի որ քաղաքացի Նարեկ Անդրանիկի Կիրակոսյանի կողմից տրանսպորտային միջոցներ վարելու իրավունքից կասեցված և հարբած (ոչ սթափ) վիճակում տրանսպորտային միջոցը վարելը նախատեսում է քրեական պատասխանատվություն, ուստի թիվ **8180253294** վարչական ակտը ենթակա է անվավեր ճանաչման:

«Վարչական իրավախախտումների վերաբերյալ» ՀՀ օրենքի 251-րդ հոդվածի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ:

Այդ տվյալները հաստատվում են հետևյալ միջոցներով՝ վարչական իրավախախտման վերաբերյալ արձանագրությամբ, վարչական պատասխանատվության ենթարկվող անձի բացատրություններով, տուժողի, վկաների ցուցմունքներով, փորձագետի եզրակացությամբ, իրեղեն ապացույցներով, իրեր և փաստաթղթեր վերցնելու վերաբերյալ արձանագրությամբ, ինչպես նաև այլ փաստաթղթերով:

«Վարչական իրավախախտումների վերաբերյալ» ՀՀ օրենքի 252-րդ հոդվածի համաձայն՝ մարմինը (պաշտոնատար անձը) ապացույցները գնահատում է իր ներքին համոզմունքով, որը հիմնված է գործի՝ իրենց ամբողջությամբ վերցված բոլոր հանգամանքների համակողմանի, լրիվ և օբյեկտիվ հետազոտման վրա, ղեկավարվելով օրենքով և սոցիալիստական իրավագիտակցությամբ:

Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 63-րդ հոդվածի 1-ին մասի «ա» կետով և 67-րդ հոդվածով՝

Ո Ր Ո Շ Ե Ց Ի

1. ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 23.05.2023թ. կայացված թիվ 8180253294 որոշումը ճանաչել անվավեր:
2. Որոշման պատճենը երեք աշխատանքային օրվա ընթացքում հանձնել Նարեկ Անդրանիկի Կիրակոսյանին և ՀՀ ՆԳՆ ոստիկանության պարեկային ծառայության Երևան քաղաքի գունդ:
3. Նյութերը գրությամբ ուղղարկել ՀՀ ՔԿ Երևան քաղաքի քննչական վարչության ՃՏՀ քննության բաժին՝ քրեական վարույթ նախաձեռնելու հարցը քննարկելու համար:

4. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:

Պետի պարտականությունների ժամանակավոր

կատարող, ոստիկանության գնդապետ՝



Ա. Մաթևոսյան